

類差別於瓶等假名物中不无於隣
虛實物中則无隣虛體量不異故於
万物中隣虛體量所謂圓細無有差
別是故万物相類非是實有是假名
有是假名相者謂瓶等諸物若除隣
虛似瓶等識不生故實物者若折相
應法似實物識不滅如未折時於瓶
中五塵識生折竟五塵識亦不滅故
五塵等是實有由此隣虛及聚万物
不能生識是故外塵非識境界若介
何法名塵於內塵相如外顯現是名
識塵外塵實无所有於內識中衆生
乱心分別故起六塵分別此分別如
在於外如此顯現是四緣中名識緣
緣以是識體相故由此識生故所以
者何是識作內塵相從內塵生具二
法故是故內塵名境界問曰如塵起
識是亦可然內塵是識一分共一時
起去何得作緣緣答曰立緣緣者識
緣此生无有二故緣者或一時共起能
成餘法從他生決定隨逐生不生故
問若次第生所緣能緣相去何答曰
若因在前果在後果隨因因不隨果

无相思塵論 第三卷 盡

若因有果必有若因无果必無果隨
因或有或無是名因果相復次為安
置功能次第故立所緣能緣是似塵
識次第起為生似果起功能生識相
續問曰若內塵是識緣緣是緣生經
當云何釋經言依根緣色眼識得生
廣說如經云曰功能體相能共造果證
名為根問根者體用云何答勝能為
體此體因何法可比度知有由生自
果故是其勝能可得了別非有四大
色此功能於識中无有妙尋此功能
在識中離識其體不可顯示如我研
立根與汝所立根同功能為體此有
何異如此功能及似塵相更何為因
如此功能及似塵相生從无始來悉
余依功能說名根緣內塵相名境是
乱識不可言其相得生此法更何為
因亦無有始何以故或功能成熟故
起似塵識或似塵識故功能得成識
者或異二或不異二或不可說如此
內塵具二法故可為識境
無相思塵論

癸卯歲高麗國大藏都監奉
勅雕造

无相思塵論 第四卷 盡

新譯大乘起信論序
盡
夫聲同則應道合自隣是以法雄命
宗賴宣揚乎法子素王垂範假傳述
乎素且蓋德必不孤聖无虛應矣起
信論者大乘之秘典也佛滅度後五
百餘年有馬鳴菩薩出興于世時
稱四王道王五天轉不退輪建無生
忍銘慈持之智印宅畢竟之真空受
波奢付囑蒙輝尊遠記善說法要大
啓迷津欲使羣生殖不壞之信根下
難思之佛種故造斯論其為論也示
无價寶詮寂上乘演恒沙之法門惟
在方寸開諸佛之秘藏本自一心遣
執而不喪其真存修而亦忘其相少
文而攝多義假名而會深旨落落實
咬智月於淨天滔滔焉注禪河於性
海返迷歸極莫不由之此論東傳經
經二譯初本即西印度三藏法師波
羅末施此去真諦以梁武帝承聖三
年歲次癸酉九月十日於衡州始興
郡建興寺共揚州沙門智愷所譯此
本即于闐國三藏法師實叉難陀費

梵文至此又於西京慈恩塔內獲舊梵本與義學沙門荊州弘景崇福法藏等以大周聖曆三年歲次癸亥十月壬午朔八日己丑於授記寺與花嚴經相次而譯沙門復禮筆受開為兩卷然與舊翻時有出沒蓋譯者之意又梵文非一也大理幽則信難道尊則魔盛況當劫濁尤更倍增故使偏見之流執成唯識非毀此論真妄手熏既形於言遂彰時聽方等甘露翻為毒藥故經云唯佛與佛乃能究盡諸法實相豈可輒以凡心臆量聖旨夫真如者物之性也俗難思之業用蘊不空之勝德內重妄法令起厭求故勝鬘經云由有如來藏令眾生死苦樂求涅槃又經云聞提之人未來以佛性力故善根還生如彼淨珠能清濁水是勝義之常善異太虛之元記故經云佛性常故非三世攝虛空无故非三世攝豈執事空以齊真理夫論妄者依理故迷真性隨流為妄源動故經云隨其流處有種種味又楞伽經云如來藏為无始虛偽惡

起信論上卷 第三張 盡

習所熏名為識藏密嚴經云佛說如來藏以為阿賴耶惡慧不能知藏即賴耶識雖在經而體淨不變性而成迷故經云然樂真味停留在山猶如滿月又云雖處五道受別異身而此佛性常恒不變若言真不熏妄妄不熏真真妄兩殊豈會中道故梁攝論云智慧極旨暗謂真俗別執今則真為妄體妄假真成性相俱融一異雙遣故密嚴經云如來清淨藏世間阿賴耶如金與指環展轉無差別聖教明白何所致疑良由滯相而乘真尋末而存本言越規矩動成戲論自貽聖責深可悲哉余少小以來專心斯論詭味不已諷誦忘疲課拙傳揚二十餘遍雖未究深旨而獲識文意以為大乘明鏡莫過於此幸帝宗心之士時覽斯文庶曰進有功聊為序引云尔

大乘起信論卷上

馬鳴菩薩造

大周子圖三藏實叉難陀奉制譯
普作大鏡益智无限自在
歸命盡十方

起信論上卷 第三張 盡

救護世間尊及彼體相海無我句義法无边德藏僧勤求正覺者為欲令眾生除疑去邪執起信紹佛種故我造此論論曰為欲發起大乘淨信斷諸眾生疑暗邪執令佛種性相續不斷故造此論有法能生大乘信根是故應說說有五分一作因二立義三解釋四修信五利益此中作因有一一慈相為令眾生離苦得樂不為貪求利養等故二為顯如來根本實義令諸眾生正解故三為令善根成熟眾生不退信心於大乘法有堪任故四為令善根微少眾生發起信心至不退故五為令眾生消除業障調伏自心離三毒故六為令眾生修正止觀對治凡小過失心故七為令眾生於大乘法如理思惟得生佛前究竟不退大乘信故八為顯信樂大乘利益勸諸含識令歸向故此諸句義大乘經中雖已具有然由所化根欲不同待悟緣別是故造論此復云何謂如來在世所化利根佛色心勝一音開演無邊義味故不須論佛涅槃後或有能以

起信論上卷 第四張 盡

自力少見於經而解多義復有能以
自力廣見諸經乃生正解或有自无
智力因他廣論而得解義亦有自无
智力怖於廣說樂聞略論攝廣大義
而正修行我今為彼輩後人故略攝
如來軍勝甚深无边之義而造此論
云何立義分謂摩訶衍略有二種有
法及法言有法者謂一切衆生心是
心則攝一切世間出世間法依此顯
示摩訶衍義以此心真如相即示大
乘體故此心生滅因緣相能顯示大
乘體相用故所言法者略有三種一
體大謂一切法真如在染在淨性恒
平等无增無減无別異故二者相大
謂如來藏本來具足无量无边性功
德故三者用大能生一切世出世間
善因果故一切諸佛本所乘故一切
菩薩皆乘於此入佛地故

起信論上卷 第三卷 盡

故心真如者即是一法界大總相法
門體以心本性不生不滅相一切諸
法皆由妄念而有差別若離妄念則
无境界差別之相是故諸法從本已
來性離語言一切文字不能顯說離
心攀緣无有諸相究竟平等永无變
異不可破壞唯是一心說名真如以
真如故從本已來不可言說不可分
別一切言說唯假非實但隨妄念無
所有故言真如者此亦無相但是一
切言說中極以言達言非其體性有
少可達有少可立問曰若如是者衆
生云何隨順悟入答曰若知雖說一
切法而无能說所說雖念一切法而
无能念所念念時隨順妄念都盡名
為悟入

起信論上卷 第三卷 盡

無相非一相非異相非一異相非非
一異相略說以一切衆生妄分別心
所不能觸故立為空據實道理妄念
非有空性亦空以所遮是无能遮亦
无故言真實不空者由妄念空无故
即顯真心常恒不變淨法圓滿故名
不空亦无不空相以非妄念心所行
故唯離念智之所證故

心生滅門者謂依如來藏有生滅心
轉不生滅與生滅和合非一非異名
阿賴耶識此識有二種義謂能攝一
切法能生一切法復有二種義一者
覺義二者不覺義言覺義者謂心第
一義性離一切妄念相離一切妄念
相故等虛空界无所不遍法界一相
即是一切如來平等法身依此法身
說一切如來為本覺以待始覺立為
本覺然始覺時即是本覺无別覺起
立始覺者謂依本覺有不覺依不覺
說有始覺又以覺心源故名究竟覺
不覺心源故非究竟覺如凡夫人前
念不覺起於煩惱後念制伏令不更
生此雖名覺即是不覺如二乘人及

起信論上卷 第七卷 盡

初業菩薩覺有念无念體相別異以捨廢分別故名相似覺如法身菩薩覺念无念皆无有相捨中品分別故名隨分覺若超過菩薩地究竟道滿足一念相應覺心初起始名為覺遠離覺相微細分別究竟永盡心根本性常住現前是為如來名究竟覺是故經說若有衆生能觀一切妄念无相則為證得如來智慧又言心初起者但隨俗說求其初相終不可得心尚無有何況有初是故一切衆生不名為覺以无始來恒有無明妄念相續未曾離故若妄念息即知心相生住異滅皆悉無相以於一心前後同時皆不相應无自性故如是知已則知始覺不可得以不異本覺故復次本覺隨染分別生二種差別相一淨智二不思識用相淨智相者謂依法熏習如實修行功行滿足破和合識滅轉識相顯現法身清淨智故一切心識相即是無明相與本覺非一非異非是可壞非不可壞如海水與波非一非異波因風動非水性

起信論上卷 第八段 盡

動若風止時波動即滅非水性滅衆生亦介自性清淨心因无明風動起識波浪如是三事皆无形相非一非異然性淨心是動識本無明滅時動識隨滅智性不壞不思識用相者依於淨智能起一切勝妙境界常无斷絕謂如來身具足无量增上功德隨衆生根示現成就无量利益復次覺相有四種大義清淨如虛空明鏡一真實空大義如虛空明鏡謂一切心境界相及覺相皆不可得故二真實不空大義如虛空明鏡謂一切法圓滿成就无能壞性一切世間境界之相皆於中現出不入不滅不壞常住一心一切染法所不能染智體具足無邊无漏功德為因熏習一切衆生心故三真實不空離障大義如虛空明鏡謂煩惱所知二障永斷和合識滅本性清淨常安住故四真實不空示現大義如虛空明鏡謂依離障法隨所應化現如來等種種色聲令彼修行諸善根故不覺義者謂从无始來不如實知真

起信論上卷 第九段 盡

法一故不覺心起而有妄念然彼妄念自无實相不離本覺猶如迷人依方故迷迷无自相不離於方衆生亦不依於覺故而有不覺妄念迷生然彼不覺自无實相不離本覺復待不覺以說真覺不覺既無真覺亦遣復次依於覺故而有不覺生三種相不相捨離一無明業相以依不覺心動為業覺則不動動則有苦果不難因故二能見相以依心動能見境界不動則无見三境界相以依能見妄境相現離見則無境以有虛妄境界緣故復生六種相一智相謂緣境界生受非受心二相續相謂依於智樂覺念相應不斷三執著相謂依樂覺念相續而生執著四執名等相謂依執著分別名等諸安立相五起業相謂依執名等起於種種諸差別業六業繫著相謂依業受著不得自在是故當知一切染法悉无有相皆因无明而生起故復次覺與不覺有二種相一同相二異相言同相者如種種瓦器皆同土

起信論上卷 第十段 盡

相如是無漏無明種種幻用皆同真相是故佛說一切衆生元始已來常入涅槃菩提非可修相非可生相畢竟無得無有色相而可得見見色相者當知皆是隨染幻用非是智色不空之相以智相不可得故廣如彼說言異相者如種種瓦器各各不同此亦如是无漏無明種種幻用相差別故復次生滅因緣者謂諸衆生依心意識轉此義云何以依阿賴耶識有無明不覺起能見能現能取境界分別相續說名為意此意復有五種異名一名業識謂無明力不覺心動二名轉識謂依動心能見境相三名現識謂現一切諸境界相猶如明鏡現衆色像現識亦亦如其五境對至即現無有前後不由功力四名智識謂分別染淨諸差別法五名相續識謂恒作意相應不斷任持過去善惡等業令无失壞成熟現未苦樂等報使無遠越已曾經事忽然憶念未曾經事妄生分別是故三界一切皆以心為自性離心則無六塵境界何以故一

起信論上卷 第十張 盡

切諸法以心為主從妄念起凡所分別皆分別自心心不見心無相可得是故當知一切世間境界之相皆依衆生無明妄念而得建立如鏡中像无體可得唯從虛妄分別心轉心生則種種法生心滅則種種法滅故言意識者謂一切凡夫依相續識執我我所種種妄取六種境界亦名分別識亦名分別事識以依見受等熏而增長故无始無明熏所起識非諸凡夫二乘智慧之所能知解行地菩薩始學觀察法身菩薩能少分知至究竟地猶未知盡唯有如來能悉明了此義云何以其心性本來清淨元明力故染心相現雖有漸心而常明聚無有改變復以本性无分別故雖復徧生一切境界而無變易以不覺一法界故不相應无明分別起生諸染心如是之義甚深難測唯佛能知非餘所了此所生染心有六種別一執相應染聲聞緣覺及信相應地諸善薩能遠離二不斷相應染信地等善勤修力能少分離至淨心地永盡无

起信論上卷 第二張 盡

餘三分別智相應染從具戒地乃至具慧地能少分離至无相行地方得永盡四現色不相應染此色自在地之所除滅五見心不相應染此心自在地之所除滅六根本業不相應染此從菩薩究竟地入如來地之所除滅不覺一法界者始從信地觀察起行至淨心地能少分離入如來地方得永盡相應義者心分別異染淨分別異知相緣相同不相應義者即心不覺常无別異知相緣相不同染心者是煩惱障能障真如根本智故无明者是所知障能障世間業自在智故此義云何以依染心執著無量能取所取虛妄境界連一切法平等之性一切法性平等寂滅无有生相無明不覺妄與覺連是故於一切世間種種境界差別業用皆悉不能如實而知

復次分別心生滅拒者有二種別一廣謂相應心二細謂不相應心廣中之廣凡夫智境廣中之細及細中之廣菩薩智境此二種相皆由无明熏

起信論上卷 第十三張 盡

習力起然依因依緣因是不覺緣是妄境因滅則緣滅緣滅故相應心滅因滅故不相應心滅問若心滅者古何相續若相續者古何言滅答實然今言滅者但心相滅非心體滅如水因風而有動相以風滅故動相即滅非水體滅若水滅者動相應斷以無所依无能依故以水體不滅動相相續衆生亦亦以无明力令其心動无明滅故動相即滅非心體滅若心滅者則衆生斷以无所依無能依故以心體不滅心動相續

復次以四種法熏習義故染淨法起無有斷絕一淨法謂真如二染因謂无明三妄心謂業識四妄境謂六塵熏習義者如世衣服非臭非香隨以物熏則有彼氣真如淨法性非是染无明熏故則有染相無明染法實无淨業真如熏故說有淨用云何熏習染法不斷所謂依真如故而起无明為諸染因然此無明即熏真如既熏習已生妄念心此妄念心復熏无明以熏習故不覺真法以不覺故妄境

起信論上卷 第十四 盡

相現以妄念心熏習力故生於種種差別執著造種種業受身心等衆苦果報妄境熏義有二種別一增長分別熏二增長執取熏妄心熏義亦二種別一增長根本業識熏令阿羅漢辟支佛一切菩薩受生滅苦二增長分別事識熏令諸凡夫受業繫苦無明熏義亦二種別一根本業成就業識義二見愛熏成就分別事識義云何熏習淨法不斷謂以真如熏於無明以熏習因緣力故令妄念心狀生死苦求涅槃樂以此妄心狀求因緣復熏真如以熏習故則自信已身有真如法本性清淨知一切境界唯心妄動畢竟无有以能如是如實知故修遠離法起於種種諸隨順行无所分別無所取著經於無量阿僧祇劫慣習力故无明則滅無明滅故心相不起心不起故境界相滅如是一切染因染緣及以染果心相都滅名得涅槃成就種種自在業用妄心熏義有二種別一分別事識熏令一切凡夫二乘狀生死苦隨已堪能趣無上

起信論上卷 第十五 盡

道二意熏令諸菩薩發心勇猛速疾趣入無住涅槃真如熏義亦二種別一體熏二用熏體熏者所謂真如從无始來具足一切無量元濁亦具難思勝境界用常无間斷熏衆生心以此力故令諸衆生狀生死苦求涅槃樂自信已身有真實法發心修行問若一切衆生同有真如等皆熏習云何而有信不信者從初發意乃至涅槃前後不同无量差別如是一切衆生應齊等答雖一切衆生等有真如然元始来无明厚薄無量差別過恒沙數我見愛等纏縛煩惱亦復如是唯如來智之所能知故令信等前後差別又諸佛法有因有緣因緣具足事乃成辦如水中火性是火正因若无人知或有雖知而不施功欲令出火焚燒木者无有是處衆生亦亦雖有真如體熏因力若不遇佛諸菩薩等善知識緣或雖不修勝行不生智慧不斷煩惱能得涅槃無有是處又復雖有善知識緣儻内无真如熏習因力亦不能狀生死苦求涅槃樂要

起信論上卷 第十六 盡

因緣具足乃能如是。若何具足。謂自相續中有熏習力。諸佛菩薩慈悲攝護。乃能默生死。若信有涅槃。種種善根。修習成熟。以是復值諸佛菩薩。示教利喜。令修勝行。乃至成佛。入于涅槃。用熏者。即是衆生外緣之力。有重量義。略說二種。一差別緣。二平等緣。差別緣者。謂諸衆生。從初發心。乃至成佛。蒙佛菩薩等諸善知識。隨所應化。而為現身。或為父母。或為妻子。或為眷屬。或為僕使。或為知友。或作怨家。或復示現天王等形。或以四攝。或以六度。乃至一切善提行緣。以大悲柔軟心。廣大福智。藏熏所應化一切衆生。令其見聞。及以憶念。如來等形。增長善根。此緣有二。一近緣。速得菩提。故二遠緣。久遠方得。故此二差別。復各二種。一增行緣。二入道緣。平等緣者。謂一切諸佛及諸菩薩。以平等智慧。平等志願。普欲拔濟一切衆生。任運相續。常無斷絕。以此智願熏衆生。故令其憶念諸佛菩薩。或見或聞。而作利益。入淨三昧。隨所斷障。

起信論上卷 第三十二法 盡

得无碍眼。於念念中。一切世界平等。現見无量諸佛。及諸菩薩。此體用熏復有二。別一未相應。二已相應。未相應者。謂凡夫二乘初行菩薩。以意識熏。唯依信力修行。未得无分別心。修行未與真如相應。故未得自在。業修行未與真如相應。故已相應者。謂法身菩薩。得无分別心。與一切如來自體相應。故得自在。業與一切如來智兩相應。故唯依法力任運修行。熏習真如。滅无明。故復次。淨熏習盡。從无始來。不斷成佛。乃斷淨熏習。盡於未來。畢竟無斷。以真如法熏習。故妄心則滅。法身顯現。用熏習起。故無有斷。復次。真如自體相者。一切凡夫聲聞緣覺菩薩諸佛。无有增減。非前際生非後際滅。常恒究竟。從无始來。本性具足。一切功德。謂大智慧光明。義遍照法界。義如實了知。義本性清淨。心義常樂我淨。義寂靜不變自在。義如是等。過恒沙數。非同非異。不思議佛法。无有斷絕。依此義。故名如來藏。

起信論上卷 第三十三法 盡

亦名法身。問上說真如。離一切相。云何今說具足一切功德。答雖實具有一切功德。然无差別相。彼一切法。皆同一味。一真離分別相。无二性。故以依業識等生滅相而立。彼一切差別之相。此云何立。以一切法本來唯心。實无分別。以不覺故。分別心起。見有境界。名為无明。心性本淨。无明不起。即於真如。立大智慧。光明義。若心性見境。則有不見之相。心性无見。則无不見。即於真如。立遍照法界。義若心有動。則非真了知。非本性清淨。非常樂我淨。非寂靜不變。不自在。由是具起。過於恒沙。虛妄雜染。以心性無動。故即立真實了知。義乃至過於恒沙。清淨功德。相義若心有起。見有餘境。可分別求。則於內法有所不足。以无邊功德。即一心自性。不見有餘法。而可更求。是故滿足。過於恒沙。非異非一。不可思議諸佛之法。无有斷絕。故說真如。名如來藏。亦復名為法身。

起信論上卷 第三十四法 盡

復次真如用者謂一切諸佛在因地時發大慈悲修行諸度四攝等行觀物同已普皆救脫盡未來際不限劫數如實了知自他平等而亦不取眾生之相以如是大方便智滅无始無明證本法身任運起於不思議業種種自在差別作用周遍法界與真如等而亦无有用相可得何以故一切如來唯是法身第一義諦无有世諦境界作用但隨衆生見聞等故而有種種作用不同

此用有二一依分別事識謂凡夫二衆心所見者是名化身此人不知轉識影現見從外來取色分限然佛化身无有限量二依業識謂諸菩薩從初發心乃至菩薩究竟地心所見者名受用身身有无量色色有无量相相有无量好所住依果亦具无量功德莊嚴隨所應見无量無邊无际無斷非於心外如是而見此諸功德皆因波羅蜜等无漏行熏及不思議熏之所成就具无边喜樂功德相故亦名報身又凡夫等所見是其真用隨

起信論上卷 第二十二張

六趣異種種差別无有無邊功德樂相名為化身初行菩薩見中品用以深信真如故得少分見知如來身無去无來無有斷絕唯心影現不離真如然此菩薩猶未能離微細分別以未入法身位故淨心菩薩見微細用如是轉勝乃至菩薩究竟地中見之方盡此微細用是受用身以有業識見受用身若離業識則无可見一切如來皆是法身无有彼此差別色相不相見故問若佛法身无有種種差別色相去何能現種種諸色

答以法身是色實體故能現種種色謂從本已來色心无二以色本性即心自性說名智身以心本性即色自性說名法身依於法身一切如來所現色身遍一切處无有間斷十方菩薩隨所堪任隨所願樂見無量受用身无量莊嚴土各各差別不相障礙無有斷絕此所現色身一切衆生心意識不能思量以是真如自在甚深用故

復次為令衆生從心生滅門入真如

起信論上卷 第二十二張

門故令觀色等相皆不成就云何不成就謂分折麁色漸至微塵復以方分折此微塵是故若麁若細一切諸色唯是妄心分別影像實无所有推求餘蘊漸至剎剎求此剎剎相別非一無為之法亦復如是離於法界終不可得如是十方一切諸法應知悉然猶如迷人謂東為西方實不轉衆生亦尔无明迷故謂心為動而實不動若知動心即不生滅即得入於真如之門

大乘起信論卷上

癸卯歲高麗國大藏都監奉
勅雕造

起信論上卷 第二十二張

大乘起信論卷下

盡

馬鳴菩薩造

大周千闍三藏實叉難陀奉 制譯

對治邪執者一切邪執莫不皆依我見而起若離我見則元邪執我見有二種一人我見二法我見人我見者依諸凡夫說有五種一者如經中說如來法身究竟寂滅猶如虛空凡愚聞之不解其義則執如來性同於虛空常恒遍有為除彼執明虛空相唯是分別實不可得有見有對待於諸色以心分別說名虛空色既唯是妄心分別當知虛空亦無有體一切境相唯是妄心之所分別若離妄心即境界相滅唯真如心無所不遍此是如來自性如虛空義非謂如空是常是有二者如經中說一切世法皆畢竟空乃至涅槃真如法亦畢竟空本性如是離一切相凡愚聞之不解其義即執涅槃真如法唯空元物為除彼執明真如法身自體不空具足無量性功德故

三者如經中說如來藏具足一切諸性功德不增不減凡愚聞已不解其義則執如來藏有色心法自相差別為除此執明以真如本無差別立有無邊功德相非是染相四者如經中說一切世間諸難淨法皆依如來藏起一切法不異真如凡愚聞之不解其義則謂如來藏具有一切世間淨法為除此執明如來藏從本具有過恒沙數清淨功德不異真如過恒沙數煩惱染法唯是妄有本无自性從无始來未曾暫與如來藏相應若如來藏淨法相應而今證會見妄染者无有是妄

五者如經中說依如來藏有生得涅槃凡愚聞之不知其義則謂依如來藏生死有始以見始故復謂涅槃有其終盡為除此執明如來藏元有初際无明依之生死元始若言三界外更有眾生始起者是外道經中說非是佛教以如來藏元有後際證此永斷生死種子得於涅槃亦无後際依人我見四種見生是故於此安立

彼四

法我見者以二乘鈍根世尊但為說人無我彼人便於五蘊生滅畢竟執著怖畏生死妄取涅槃為除此執明五蘊法本性不生不滅亦无有滅不滅故本來涅槃若究竟離分別執者則知一切淨法淨法皆相待立是故當知一切諸法從本已來非色非心非智非識非元非有畢竟皆是不可說相而有言說示教之者皆是如來善巧方便假以言語引導眾生令捨文字入於真實若隨言執義增妄分別不生實智不得涅槃

分別修行正道相者謂一切如來得道正因一切菩薩發心修習令現前故略說發心有三種相一信成就發心二解行發心三證發心心信成就發心者依何位修何行得信成就就堪能發心當知是人依不定聚以法重習善根力故深信業果行十善道厭生死苦求無上覺值遇諸佛及諸菩薩承事供養修行諸行經十千劫信乃成就從是已後或以諸佛菩薩教

力或以大悲或因正法將欲壞滅以護法故而能發心既發心已入正定聚畢竟不退住佛種性勝因相應或有衆生久遠已來善根微少煩惱深厚覆其心故雖值諸佛及諸菩薩承事供養唯種人天受生種子或種二乘菩提種子或有雖求大菩提道然根不定或進或退或有值佛及諸菩薩供養承事修行諸行未得滿足十千大劫中間遇緣而發於心遇何等緣所謂或見佛形相或供養衆僧或二乘所教或見他發心此等發心皆悉未定若遇惡緣或時退墮二乘地故

復次信成就發心略說有三一發正直心如理正念真如法故二發深重心樂集一切諸善行故三發大悲心願拔一切衆生苦故問一切衆生一切諸法皆同一法界无有二相據理但應正念真如何假復修一切善行救一切衆生

答不然如摩尼寶本性明潔在鑛穢中假使有人勤加憶念而不作方便

起信論下卷 第四張 盡

不施功力欲求清淨終不可得真如之法亦復如是體雖明潔具足功德而被無邊客塵所染假使有人勤加憶念而不作方便不修諸行欲求清淨終元得理是故要當集一切善行救一切衆生離彼无邊客塵垢染顯現真法

彼方便行略有四種一行根本方便謂觀一切法本性元生離於妄見不住生死又觀一切法因緣和合業果不失起於大悲修諸善行攝化衆生不住涅槃以真如離於生死涅槃相故此行隨順以為根本是名行根本方便二能止息方便所謂慙愧及以悔過此能止息一切惡法令不增長以真如離一切過失相故隨順真如止息諸惡是名能止息方便三生長善根方便謂於三寶所起受敬心尊重供養頂禮稱讚隨喜勸請正信增長乃至志求无上菩提為佛法僧威力所護業障清淨善根不退以真如離一切障具一切功德故隨順真如修行善業是名生長善根方便四大

起信論下卷 第五張 盡

願平等方便謂發誓願盡未來際平等救拔一切衆生令其安住无餘涅槃以知一切法本性無二故彼此平等故究竟寂滅故隨順真如以此三種相發大誓願是名大願平等方便菩薩如是發心之時則得少分見佛法身能隨願力現八種事謂從兜率天宮來下入胎住胎出胎出家成僧轉法輪般涅槃然猶未得名為法身以其過去无量世來有漏之業未除斷故或由惡業受於微苦願力所持非久被繫有經中說信成就發心菩薩或有退墮惡趣中者此為初學心多懈怠不入正位以此語之令增勇猛非如實說

又此菩薩一發心後自利利他修諸善行心無怯弱尚不畏墮二乘之地況於惡道若聞无量阿僧祇劫勤修種種難行苦行方始得佛不驚不怖何況有起二乘之心及墮惡趣以決定信一切諸法從本已來性涅槃故解行發心者當知勝勝初元數劫將欲滿故於真如中得深解故修一切

起信論下卷 第六張 盡

行皆無著故此菩薩知法性離運會相是清淨施度隨順修行檀那波羅蜜知法性離五欲境無破戒相是清淨戒度隨順修行尸羅波羅蜜知法性無有苦惱離瞋害相是清淨忍度隨順修行羼提波羅蜜知法性離身心相元有懈怠是清淨進度隨順修行毗梨耶波羅蜜知法性元動無亂是清淨禪度隨順修行禪那波羅蜜知法性離諸癡闇是清淨慧度隨順修行般若波羅蜜

證發心者從淨心地乃至菩薩究竟地證何境界所謂真如以依轉識說為境界而實證中元境界相此菩薩以无分別智證離言說真如法身故能於一念遍往十方一切世界供養諸佛請轉法輪唯為眾生而作利益不求聽受美妙音詞或為怯弱眾生故示大精進起無量劫速成正覺或為懈怠眾生故經於无量阿僧祇劫久修苦行方始成佛如是示現無數方便皆為饒益一切眾生而實菩薩種性諸根發心作證皆等同等元起

起信論下卷 第七卷 盡

過法決定皆經三元數劫成正覺故但隨眾生世界不同所見所聞根欲性異示所修行種種差別此證發心中有三種心一真心元有分別故二方便心任運利他故三華識心微細起滅故

又此菩薩福德智慧二種莊嚴悉圓滿已於色究竟得一切世間最勝身以一念相應慧頓拔無明根具一切種智任運而有不思議業於十方元量世界普化眾生

問虛空無邊故世界無邊世界无邊故眾生无邊眾生無邊故心行差別亦復無邊如是境界元有齊限難知難解若無明斷永元心相云何能了

一切種成一切種智
答一切妄境從本已未理實唯一心為性一切眾生執著妄境不能得知一切諸法第一義性諸佛如來元有執著則能現見諸法實性而有六智顯照一切染淨差別以元量無邊善巧方便隨其所應利樂眾生是故妄念心滅了一切種成一切種智

起信論下卷 第八卷 盡

問若諸佛有无邊方便能於十方任運利益諸眾生者何故眾生不常見佛或觀神變或聞說法

答如來實有如是方便但要待眾生其心清淨乃為現身如鏡有垢色像不現垢除則現眾生亦尔心未離垢法身不現離垢則現云何修習信分此依未入正定眾生說何者為信心云何而修習信有四種一信根本謂樂念真如法故二信佛具足無邊功德謂常樂頂礼恭敬供養聽聞正法如法修行迴向一切智故三信法有大利益謂常樂修行諸波羅蜜故四信正行僧謂常供養諸菩薩眾正修自利利他行故修五門行能成此信所謂施門戒門忍門精進門止觀門云何修施門謂若見眾生來從乞求以己資財隨力施與捨自慳著令其歡喜若見眾生危難逼迫方便救濟令无怖畏若有眾生而來求法以己所解隨宜為說修行如是三種施時不為名聞不求利養亦不貪著世間果報但念自他利益安樂迴向阿耨

起信論下卷 第九卷 盡

多羅三藐三菩提

云何修戒門所謂在家菩薩當離殺生偷盜邪淫妄言兩舌惡口綺語慳貪瞋嫉誑誑邪見若出家者為欲折伏諸煩惱故應離情欲常依寂靜修習止足頭陀等行乃至小罪心生大怖慙愧悔責護持如來所制禁戒不令見者有所譏嫌能使衆生捨惡修善云何修忍門所謂見惡不嫌遭苦不動常樂觀察甚深句義

云何修精進門所謂修諸善行心不懈怠當念過去無數劫來為求世間貪欲境界虛受一切身心大苦畢竟無有少分滋味為今未來遠離此苦應勤精進不生懈怠大悲利益一切衆生其初學菩薩雖修行信心以先世來多有重罪惡業障故或為魔邪所惱或為世務所纏或為種種病緣之所逼迫如是等事為難非一令其行人嚴修善品是故宜應勇猛精進晝夜六時禮拜諸佛供養讚歎懺悔勸請隨喜迴向无上菩提發大誓願无有休息令惡障銷滅善根增長

起信論下卷 第十張

◎大乘起信論

云何修止觀門謂息滅一切戲論境界是止義明見因果生滅之相是觀義初各別修漸次增長至于成就任運雙行其修止者住寂靜處結跏趺坐端身正意不依氣息不依形色不依虛空不依地水火風乃至不依見聞覺知一切分別想念皆除亦遣除想以一切法不生不滅皆無相故前心依境次捨於境後念依心復捨於心心以心馳外境攝住內心後復起心不取心相以離真如不可得故行住坐卧於一切時如是修行恒不斷絕漸次得入真如三昧究竟折伏一切煩惱信心增長速成不退若心懷疑惑誹謗不信業障所纏我憊懈怠如是等人所不能入復次依此三昧證法界相知一切如來法身與一切衆生身平等无二皆是一相是故說名一相三昧若修習此三昧能生无量三昧以真如是一切三昧根本處故或有衆生善根微少為諸魔外道鬼神惑亂或現惡形以怖其心或示美色以迷其意或現天形或菩薩形

起信論下卷 第十一張

乃至佛形相好莊嚴或說憍持或說諸度或復演說諸解脫門无悉無觀无因無果一切諸法畢竟空寂本性涅槃或復令知過去未來及他心事辯才演說無滯无漸使其貪著名譽利養或數喚歡喜或多悲多愛或恒樂昏寐或久不睡眠或身嬰痼疾或性不勤策或平起精進即便休廢或情多疑惑不生信受或捨本勝行更修雜業愛著世事溺情從好或令證得外道諸定一日二日乃至七日住於定中得好飲食身心適悅不飢不渴或復勸令受女等色或令其飲食乍少乍多或使其形容或好或醜若為諸見煩惱所亂即便退失往昔善根是故宜應審諦觀察當作是念此皆以我善根微薄業障厚重為魔鬼等之所迷惑如是知已念彼一切皆唯是心如是思惟剎那即滅遠離諸相入真三昧心相既離真相亦盡從於定起諸見煩惱皆不現行以三昧力壞其種故殊勝善品隨順相續一切障難悉皆遠離起大精進恒无斷絕

起信論下卷 第十二張

若不修行此三昧者元有得入如來種性以餘三昧皆是有相與外道共不得值遇佛菩薩故是故菩薩於此三昧當勤修習令成就究竟修此三昧現身即得十種利益一者常為十方諸佛菩薩之所護念二者不為一切諸魔惡鬼之所惱亂三者不為一切邪道所惑四者令誹謗深法重罪業障皆悉微薄五者滅一切疑諸惡覺觀六者於如來境界信得增長七者遠離憂悔於生死中勇猛不怯八者遠離憊慢柔和忍辱常為一切世間所敬九者設不住定於一切時一切境中煩惱種薄終不現起十者若住於定不為一切音聲等緣之所動亂

復次若唯修止心則沉沒或生懈怠不樂眾善遠離大悲是故宜應兼修於觀云何修耶謂當觀世間一切諸法生滅不停以无常故苦故無我應觀過去法如夢現在法如電未來法如雲忽尔而起應觀有身悉皆不淨諸蟲穢汙煩惱和雜觀諸凡愚所

起信論下卷 第十三章

是諸法於元初中妄計為有觀第一切從緣生法皆如幻等畢竟元實觀第一義諦非心所行不可辭喻不可言說觀一切眾生從元始來皆因無明熏習力故受於元量身心大苦現任未來亦復如是無邊無限難出難度常在其中不能覺察甚為可惡如是觀已生決定智起廣大悲發大勇猛立大誓願願令我心離諸顛倒斷諸分別親近一切諸佛菩薩頂禮供養恭敬讚歎聽聞正法如說修行盡未來際元有休息以無量方便拔濟一切苦海眾生令住涅槃第一義樂作是願已於一切時隨己堪能修行自利利他之行住坐卧常勤觀察應作不應作是名修觀

復次若唯修觀則心不止息多生延惑不隨順第一義諦不出生元分別智是故止觀應並修行謂雖念一切法皆无自性不生不滅本來寂滅自性涅槃而亦即見因緣和合善惡業報不失不壞雖念因緣善惡業報而亦即見一切諸法无生無性乃至涅槃然修行止者對治凡夫樂著生死亦治二乘執著生死而生怖畏修行觀者對治凡夫不修善根亦治二乘不起大悲狹劣心過是故止觀互相助成不相捨離若止觀不具必不能得无上菩提

起信論下卷 第十四章

復次初學菩薩住此娑婆世界或值寒熱風雨不時飢饉等苦或見不善可畏眾生三毒所纏邪見顛倒棄背善道習行惡法菩薩在中心生怯弱恐不可值遇諸佛菩薩恐不能成就清淨信心生疑欲退者應作是念十方所有諸佛菩薩皆得大神通无有障尋能以種種善巧方便救拔一切險厄眾生作是念已發大誓願一心專念佛及菩薩以生如是決定心故於此命終必得往生餘佛剎中見佛菩薩信心成就永離惡趣如經中說若善男子善女人專念西方極樂世界阿彌陀佛以諸善根迴向願生決定得生常見彼佛信心增長永不退轉於彼聞法觀佛法身漸次修行得入正位

起信論下卷 第十五章

太何利益分如是大乘秘密句義今

已略說若有衆生欲於如來甚深境界廣大法中生淨信覺解心入大乘道無有障導於此略論當勤聽受思惟修習當知是人決定速成一切種智若聞此法不生驚怖當知此人定紹佛種速得授記假使有人化三千大千世界衆生令住十善道不如於須臾頃正思此法過前功德无量無邊若一日一夜如說修行所生功德无量無邊不可稱說假令十方一切諸佛各於无量阿僧祇劫說不能盡以真如功德無邊際故修行功德亦復無邊若於此法生誹謗者復无量罪於阿僧祇劫受大苦惱是故於此應決定信勿生誹謗自害害他斷三寶種一切諸佛依此修行成無上智一切菩薩由此證得如來法身過去菩薩依此得成大乘淨信現在今成未來當成是故欲成自利利他殊勝行者當於此論勤加修學

我今已解釋甚深義勸功德施羣生令見真如法

起信論下卷 第十七 盡

大乘起信論卷下

癸卯歲高麗國大藏都監奉勅雕造

起信論下卷 第十七 盡

觀所緣緣論

陳那菩薩造

盡

三藏法師玄奘奉詔譯

諸有欲令眼等五識以外色作所緣緣者或執極微許有實體能生識故或執和合以識生時帶彼相故二俱非理所以者何

極微於五識設緣非所緣彼相識无故猶如眼根等

所緣緣者謂能緣識帶彼相起及有實體令能緣識託彼而生色等極微設有實體能生五識容有緣義然非所緣如眼根等於眼等識无彼相故如是極微於眼等識无所緣義

和合於五識設所緣非緣彼體實无故猶如第二月

色等和合於眼識等有彼相故設作所緣然無緣義如眼錯亂見第二月彼无實體不能生故如是和合於眼等識无有緣義故外二事於所緣緣互關一支俱不應理有執色等各有多相於中一分是現量境故諸極微